



Universitätsbibliothek Paderborn

Antidota Apostolica contra nostri temporis hæreses

In quibus Loca illa explicantur, quæ Hæreticj hodie (maximè Calvinus & Beza) vel ad sua placita stabilienda, vel ad Catholicæ Ecclesiæ dogmata infirmanda ...

In Epistolam B. Pauli ad Romanos

Stapleton, Thomas

Antverpiæ, 1595

23. Omnes peccauerunt, & egent gloria Dei.

urn:nbn:de:hbz:466:1-39447

cordiam suā saluos nos fecit. Sed quomodo? Per
 lauacrum regenerationis & renouationis Spiritus
 Sancti, quem effudit in nos abunde. Non igitur
 sola fides, sed tum lauacrū seu baptismi Sa-
 cramentum, quo accepta peccatorum remis-
 sione regeneramur, tum tota interna reno-
 uatio Spiritus S. quem Deus effudit in nos
 abunde, id est, cuius varia dona copiose no-
 bis largitus est, ex Dei misericordia proue-
 niunt. Impia igitur & prorsus insulsa est hæc
 postrema Caluini consequentia: *Solius mise-
 ricordia est iustificatio, ergo solius fidei.* Atque hæc
 de Caluini hoc loco disputatione operosa,
 qua & Apostoli textum deprauare, & futuris
 adhuc in Paulo deprauationibus suis hoc
 fundamentum substernere voluit, hæctenus
 dicta sint.

23. Omnes peccauerunt, & egent gloria Dei.

Hanc sententiam, quæ omnes in Christo
 nondum iustificatos concernit (nam Ecce ma-
 nifesta im-
 pictas. de illis tam Iudæis quàm Gentibus hæctenus
 Paulus disputauit, docens omne os obstrui, &
 omnem mundum subditum esse Deo, id est, ob-
 noxium iræ Dei absque iustitia fidei nunc in
 Euangelio reuelata) impius Beza ad ipsos in
 Christo iustificatos contorquet. Hoc (inquit)
 verbum *ὁσπερ ἰσθαί* propriè de ijs dicitur qui relin-
 quuntur à iergero, ita vt ad metam peruenire non pos-
 sint. Quod ijs optimè conuenit, qui Dei veritatem
 in iniustitia detinent, id est omnibus hominibus rege-
 neratis

neratis. Quid magis impium dici potest
quàm omnes homines regeneratos Dei ve-
ritatem in iniustitia detinere? id est, vt supra
exposuit, sacrilegij reos esse, quam eum, què De-
esse norunt. non tamen ita vt par est colunt: quod
Apostolus (vt suprâ exposuimus) de
Philosophis Gentiliū dixit, qui Deum cogno-
centes, eum non sicut Deum glorificauerunt, sed
creaturas nihilominus pro Creatore cui
vulgo infidelium coluerunt. Sic igitur huius
locum exponit Beza: Ad gloriam Dei, qua
loco vitam eternam significat, quo minus possint ho-
mines peruenire, testatur Apostolus omnes homines
eo impediti, quòd sint peccato contaminati, vt opor-
teat omnes vel à gloria Dei excludi, vel aliunde me-
gram illam puritatem ac iustitiam mutuari, qua
necesse est adferat quisquis gloriæ Dei participare
cupit. Hic quidem scopus est impiæ interpreta-
tionis, vt iustitiam imputatiuam statuat.
Sed obseruet lector, sic nunc illam à Beza
statui, vt non solum omnes peccato conta-
minari asserat (quod aliquo sensu verum
esse potest, propter peccata venialia, nec ta-
men aut veram iustitiam, aut gloriæ cælestis
consecutionem illud impedit) sed etiam
omnes in summo quasi impietatis gradu cõ-
sistere. Summa enim impietas est eorum qui
veritatem Dei in iniustitia detinent, quam plur-
mis verbis cap. 1. Apostolus explicauit: Ma-
trauerunt gloriam incorruptibilis Dei in imagi-
nem corruptibilis hominis, &c. Propter quod vult

vidit eos Deus in desideria, in immunditiam, ut
 contumelijs afficiant corpora sua in semetipsis.
 Qui commutauerunt veritatem Dei in menda-
 cium, & coluerunt, & seruiuerunt creaturae po-
 tius quam Creatori. Hæc omnia tum illo in
 loco ad omnes omnino homines Beza perti-
 nere vult, tum hinc explicatius dicit, etiam om-
 nes regeneratos in eorū numero esse. Obseruet
 ergo Lector, quod imputatiua hæreticorum
 iustitia, non propter defectum & imperfe-
 ctionem iustitiæ nostræ, quæ totam legem non
 implet, & aliquo semper peccato contami-
 natur (ut alibi prætexere solent) sed propter
 summam turpitudinem & impietatem in
 omnibus regeneratis adhuc manentem, ab il-
 lis statuitur. Sic quicquid alibi de fructibus
 & notis iustitiæ & gratuita filiorum Dei obe-
 dientia, quasi finali causa iustificationis no-
 stræ per Christum disputant (ut accuratè do-
 cet Calvinus in Harmonia) nihil aliud esse
 intelligere debemus quàm ad populū phale-
 ras, fucū quendam, & hypocrisim ad Epicu-
 ream doctrinam, quam animis fouent, (de
 summa omnium & singulorum turpitudine
 & impietate) quoquo modo contegendam.

Imputa-
 tiua hæ-
 reticorū
 iustitia cū
 summa
 impietate
 consistit.

In cap. 1.
 Lucæ ver-
 73.

24. Iustificati gratis per gratiam ipsius, &c.

Horum temporum hæretici ex his verbis
 minime intellectis, aut certè studio de-
 prauatis, impie docent, omnem nostram in
 hac vita iustitiam nihil aliud esse, quàm gra-
 tuitam

Imputati-
 ua iusti-
 tia.

I tuitam